

ՅՐԶԱՐԵՐԱԿԱՆ ԿՈՆԴԱԿ

Տ. Տ. ՄԱԿԱՐԱՅ ՍՐԲԱԶՆԵՐՈՅՆ ԿԱԹՈՒՂԻԿՈՍԻ ԱՄԵՆԱՅՆ ՀԱՅՈՑ Ի ՀՐԱՀԱՆԳՈՒԹԻՒՆ ԹԵՄԱԿԱՆ ԱՌԱՋՆՈՐԴԱՅ՝ ՎԱՍՆ ԿԱՌԱՎԱՐՈՒԹԵԱՆ ԵԿԵՂԵՑԱԿԱՆ - ԾԽԱԿԱՆ ՈՒՍՈՒՄՆԱՐԱՆԱՅ ՀԱՅՈՑ.



ՄԱԿԱՐ ԾԱՌԱՅ ԲՐԻՍՏՈՍԻ ԵՒ ԱՆՀԱՍԱՆԵԼԻ ԿԱՄՕՔՆ ԱՍՏՈՒԾՈՅ ԵՊԻՍԿՈՊՈՍԱՊԵՏ ԵՒ ԿԱԹՈՒՂԻԿՈՍ ԱՄԵՆԱՅՆ ՀԱՅՈՑ ԾԱՅՐԱԳՈՅՆ ՊԱՏՐԻԱՐԲ ՀԱՄԱԶԳԻԱԿԱՆ ՆԱԽԱՄԵ-ԾԱՐ ԱՌԱՔԵԼԱԿԱՆ ԱԹՈՌՈՑ ԱՐԱՐԱՏԵԱՆ ՄԱՅՐ ԵԿԵՂԵՑԻՈՑ ՍՐԲՈՑ ԿԱԹՈՒՂԻԿԵ ԷՋՄԻԱԾՆԻ:

Յօրէ բացման եկեղեցական - ծխական ուսումնարանաց հայոց հոգալ հոգայաք զբարեկարգութենէ նոցին և հնարս խնդրէաք ածելոյ զնոսա ի վրճակ ցանկալին յառաջագիմութեան և յարատե պահպանութեան: Ըստ այսմ և կամ եղև մեզ յանցելումն ամի, զկնի կարեոր փոփոխութեանց, տալ առաջնորդացդ հայոց յանստերիւր ի հրահանգութիւն զկանոնս եկեղեցական - ծխական ուսումնարանաց մերոց, յորս և որոշեցաք զսահման պարտուց և զիրաւանց իւրաքանչիւր ուրուք ի պաշտօնէից և զեղանակ կառավարութեան, լսողմնորանացն: Ի կանոնս յայնոսիկ նախ սահմանեցաք զկարգ ընտրութեան և զհաստատութեան ուսուցչաց և զուսուցչուհեաց ըստ յօդուածոցն 41—46 և յետ պատրաստելոյ զընդհանուր



ցուցակ անձանց ընտրելեաց ի պաշտօն ուսուցչութեան, հրա-
մայեցաք վարիչ ըստ ամենայնի համաձայն կանոնաց և հրա-
հանգութեանց մերոց, ընտրելով զպաշտօնեայսն ի ցուցակե-
տնոյի. և այս՝ այնու զգուշաւոր նախատեսութեամբ, զի
մի յընթացս ժամանակաց նուիրականն գործ դաստիարակու-
թեան մանկանց եկեղեցւոյ անկցի ի ձեռն անպարտադիրց և
թերուսումն անձանց: Արդ՝ ի նմին յարատեւեալ մեր ի կար-
ծիս, հոգ յանձին կալաք առնել զնոր ընտրութիւն անձանց
արժանաւորաց և յետ վերստին ստուգելոյ ի տեղեկու-
թեանց անտի՝ գտելոց առ մեզ, ըստ զօրութեան նախկին Կոն-
գալաց մերոց՝ արձակելոց առ ձեզ, հրամայեցաք թառնալ

ընդհանուր ցուցակէ անտի զկարգսն « Զ » « Է » և « Թ »
բացառութեամբ սակաւաթիւ ընտրելոց ոմանց, որոց և շնոր-
հեցաք արտօնութիւն շարունակելոյ զպաշտօն ուսուցչու-
թեան յեկեղեցական-ծխական ուսումնարանս մեր: Արդ՝
յանձն արարեալ ձեզ զվերակազմեալն զայն ցուցակ, պա-
տուէր հրամանի կնքեմք ճշտիւ հետեւիլ ցուցման յիշատա-
կեալ կանոնաց մերոց և ընդհանուր ցուցակին՝ հաստատելոյ
ի մէնջ: Եւ զորս յանցելում՝ ամի ստիպմամբ հարկին ի յար-
գանս միջնորդութեան ոմանց ի ձէնջ հրամայեցաք կարգել
արտաքոյ ընդհանուր ցուցակին ի պաշտօն ուսուցչութեան և-
կեղեցական-ծխական ուսումնարանաց մերոց, թէ՛ զեկեղե-
ցականս և թէ՛ զաշխարհականս ի զանազան դասակարգաց,
եթէ չիցեն մեծեալ ի վերակազմեալս յայս ցուցակ, արձա-
կել ամենեւին և պատուիրել նոցա, եթէ կամիցին յարատեւել
ի պաշտաման, խնդրամատոյց լինել յանուն մեր ըստ սահմա-
նեալն կարգի:

Յամաց հետէ հասու եղեալ է մեր և գիտեմք հաւաստի,
զի ընթացք յառաջագիմութեան ուսմանց և բարոյականն
դաստիարակութեան յեկեղեցական-ծխական ուսումնարանս
մեր, կախեալ է առաւելապէս զվիճակէ անտի դաստիարա-
կաց, ուսուցչաց տեսմք և ուսուցչուհեաց, որք կարգեալ լի-
նին ի պաշտօն առանձին իմն պայմանախօսութեամբ ընդ հո-
գաբարձութեանցն. յորմէ յերեւան գան անտեղի սակարկու-
թիւնք և յապաղումն նշանակութեան ուսուցչաց, ևս և որ
մեծն է քան զամենայն՝ ձգտումն ամենայն ուրուք յուսուց-
չաց և յուսուցչուհեաց յայնպիսի տեղիս պաշտօնավարու-
թեան, յորս կարիցեն շահիլ թոշակս ցանկալիս անձանց իւր-
եանց. ըստ այսմ և ուսումնարանք՝ ճոխացետլք արդեամբք
մտից, առ ի գտանել ի պաշտօն զարժանաւորագոյնսն յու-
սուցչաց՝ սահմանեն քանակս թոշակաց առաւելագոյնս, քան
որք ի սակաւաձեռն արդեանց անտի լցուցանին զպէտս ու-
սումնարանաց. աստի յառաջանան յաճախակի տեղափոխու-
թիւնք ուսուցչաց, որ գլխաւոր պատճառն է խանգարման
կանոնաւոր ընթացից ուսման: Առ ի առնուլ զառաջս այսպի-
սեաց անպատեհութեանց՝ մեք 33 - րդ յօդուածով կանոնաց

մերոց սահմանեցաք, զի հոգարարձուք ի մտանելն ի վարդմն պաշտաման՝ կազմեցեն՝ զնախահալիւ մատակարարութեան տարեկան ծախուց առ եռամեայ փամանակն պաշտօնավարութեան իւրեանց և յիտ ընդունելայ զհաստատութիւն ոյնութիլ՝ վարեցին ըստ ամենայնի համաձայն այնր նախահաշուի. իսկ 39-րդ յօդուածովն թողաք ի ձեռս հոգարարձուաց զիրաւունս սահմանելոյ զթողալի համօրէն պաշտօնէից հաստատութեամբ մուծնորդի հայեցեալ ի դրամական կարողութիւն իւրաքանչիւրոց յուսումնարանայն: Այն ինչ ակն ունէաք, թէ այսօրիւք հրահանգութեամբք մերովք ունին անխոտար ընթանալ համօրէն հագաբարձութիւնք ի բարեկարգութիւն և ի պայծառութիւն եկեղեցական-ծխական ուսումնարանաց միւրոց, ցաւ ի սիրտ հաւաստի եղեալ ծանեաք, զի ի տեղիս անդիս, սրպէս ի քաղաքս՝ նոյնպէս և ի գիւղօրայս, հոգաբարձութիւնքն, անգիտանամք թէ յմրդիտեաց ինչ պատճառանոց, անցեալ զանցեալ են զկանոնաւս և բազումք իսկ անձեռնահաւաք լիալ են ի կազմուծն յիշեալ նախահաշուի: Արդ՝ կամեալ մեր գիւրութիւնս ընծայել գործոյն յաւաքագիմութեան եկեղեցական-ծխական ուսումնարանաց մերոց, հրամայեցաք կազմել զցուցակս ուսուցչաց և պաշտօնէից և տարեկան թոշակաց նոցին յիւրաքանչիւր յեկեղեցական-ծխական ուսումնարանս, զսրս և յանձնեմք ձեզ ի գործադրութիւն: Յուցակքն այնօրիկ յորջորջեալք «կուլար աւաջին և երկրորդ» սահմանեն զկարգ ուսուցչաց և զքանակ տարեկան թոշակաց նոցին յերկուս վիճակս, ուսումնարանք, որք ճիւղացեալք են տարեկան մօիւք տրեանց, պարտին վճարել ուսուցչաց կամ ուսուցչուհեաց կրօնի, լեզուի հայոց, լիզուի ռուսաց և ձեռագործութեան քսանական բուրլիս առ փամն, ուսուցչաց կամ ուսուցչուհեաց թուաբանութեան, բնագիտութեան, երգեցողութեան, վայելչագրութեան և գծագրութեան տառն և հնգական բուրլիս առ փամն. այս է կուլարն աւաջին: Իսկ ուսումնարանք, որք շատացեալք են սակաւաձեռն արդեամբք մօից, հատուցեն ուսուցչաց կամ ուսուցչուհեաց կրօնի, լեզուի հայոց, լիզուի ռուսաց և ձեռագործութեան տառն և հնգական բուր-

լիս առ ժամն և ուսուցչաց կամ ուսուցչուհեաց թուարանութեան, բնագիտութեան, երգեցողութեան, յայելչագրութեան և գծագրութեան ուսմանական բուրիս առ ժամն: Եյս է կոպարն երկրորդ: Ըստ այսմ եղիցի մատակարարութիւն թոշակաց յամենայն յեկեղեցական ուսումնարանս մեր: յաւելլով ի տարեկան թոշակ այնոցիկ ուսուցչաց կամ ուսուցչուհեաց որք ընտրեալ լինին յաւագութիւն յերկգասեան ուսումնարանս՝ երկու հարիւր բուրիս և ի միգասեանս՝ մի հարիւր բուրիս: Իսկ ուսուցչաց կամ ուսուցչուհեաց, կարգելոց ի վերակացութիւն՝ յերկգասեանս աղայոց յիսնական բուրիս, յերկգասեանս օրիորդաց մի հարիւրական բուրիս, ի միգասեանս աղայոց յիսնական բուրիս և օրիորդաց՝ եօթանասուն և հնգական բուրիս: Յանձն առնելք Գերսպատաւութեանը հոգալ զարժանն, զի յամենայն նախահաշիւս հոգարարձութեանց եկեղեցական-ծխական ուսումնարանաց միճակիդ մուծցի կոպարն առաջին և ի դէպս անհնարաւորութեանս միայն ներեսցի նոցա կոպարն երկրորդ:

Առ ի նպաստել յարատեւ պահպանութեան ուսումնարանաց մերոց յարգուր լինիք հոգարարձութեանց և աւագ ուսուցչաց կամ ուսուցչուհեաց ի տեղիս տեղիս ուր տակաւաճեան են արդիւնք մտից, պահպանել ուսումնարանս, բաժանմունք որոց միացեալք են ի միում դասարանի բոտ հեռակէյումն. մարթ է միաւորել ի միում դասարանի զերիս բաժանմունսն Ա. Բ. Գ. ի գումար դասուց 26 ըստ ձեռոյն Ա. ի ձեռս միոյ և եթ ուսուցչի որ ձեռնհաս իցէ մատակարարել զամենայն ուսմունսն երից միացեալ բաժանմանց: Ըստ նմին օրինակի մարթ է միաւորել և զԲ. և զԳ. բաժանմունսն ի միում դասարանի ի գումար դասուց 30 ի ձեռն միոյ և եթ ուսուցչի որ ձեռնհաս իցէ մատակարարել զամենայն ուսմունս երկուց միացեալ բաժանմանցն: Ի դէպս բազմութեան աշակերտելոց Ա. բաժանման մարթ է միաւորել զԲ. և զԳ. բաժանմունսն ի միում սենեկի ի գումար դասուց 26 ըստ ձեռոյն Բ. ի ձեռն միոյ և եթ ուսուցչի որ ձեռնհաս իցէ մատակարարել զամենայն ուսմունսն երկուց միացեալ բաժանմանցն: Իսկ ի դէպս կարի սակաւութեան աշակերտելոց՝ մարթ

է շատանալ միով և եթ բաժանմամբ ըստ ձևոյ Գ. ըստ պահանջից կրթութեան աշակերտելոցն. այն է՝ առաջին բաժանմամբն ուրոյն, երկրորդաւն՝ ուրոյն և երրորդաւն՝ ուրոյն, առնելով նոր ընդունելութիւն աշակերտելոց յերկրորդութիւն կամ յերրորդութիւն ամի:

Ըստ օրինակի բաշխմանդ այդորիկ եղիցի և մատակարարութիւն դասուց և թոշակաց ի զուգընթացսն մէն մի բաժանմանն:

Յեկեղեցական - ծխական ուսումնարանն, որք կամիցին ի պատճառս առատութեան արդեսնց առնել արտակարգ մատակարարութիւնս թօշակաց, պատուիրեմք Գերապատուութեանդ տալ նոցա հրահանգութիւնս, զի կազմեսցեն զնախագիծ առանձին կոպարի, որոշմամբ յականէ յանուանէ անձանց, զորս կամիցին ընտրել ի պաշտօն և քանակի թոշակաց, զորս կամիցին սահմանել առ ժամն իւրաքանչիւր, և առաջի արասցեն ընդ ձեռն ձեր ի նկատողութիւն մեր և ի հաստատութիւն:

Խստիւ պատուիրեմք Գերապատուութեանդ՝ գուն գործել յաւելուլ զթիւ միդասեան և երկդասեան ուսումնարանաց ի կանոնաւոր ամբողջութեան նոցին, և եթէ հնար է, խուսափել ի բազմացուցանելոյ զթիւ զուգընթացից բաժանմանցն ի միում և ի նմին ուսումնարանին:

Սեպուհ պարտ անձին լիցի իւրաքանչիւր ումեք յառաջնորդացդ՝ յորդոր լինել ժողովրդականաց և հոգաբարձութեանց բանալ յիւրաքանչիւր քաղաքս առ եկեղեցեօք երկդասեան և միդասեան ուսումնարանս՝ ի լրումն պիտոյից բազմութիւ թաղականաց երկուց սեռից. հարկ անհրաժեշտ դնեմք ի վերայ առաջնորդացդ օժանդակել բացման և պահպանութեան յիւրաքանչիւր փոխանորդութեան գէթ միոյ միոյ երկդասեան ուսումնարանի լիակատար թուով բաժանմանց վասն երկուց սեռից, գիտելով քաջ՝ զի պահպանութիւն տյգպիսւոյ ուսումնարանի մեծապէս նպաստիցէ կըրթութեան հայերամ մանկանց ի կրօնի և ի լեզուի հայոց և բարգաւաճման թեմական դպրոցաց մերոց և հոգեւոր ձեմարանի, որք առանց կանոնաւոր զարգացման եկեղեցական-

ծխական ուսումնարանաց մերոց ունին ընթանալ ի թերութեան և յանկատար վիճակի: Ըստ հաւատոյ տեղեկութեանց՝ մատուցելոց մեզ ընդ ձեռն ձեր, գիտեմք՝ զի աղբիւրք եկեղեցական արդեանց մատակարարեն եկեղեցական-ծխական ուսումնարանաց մերոց գումարս առաւելագոյնս քան զնշանակեալն ի յիշատակեալ կոպարսն:

Ակներեւ է ապաքէն զի բացակայութիւն կանոնաւոր և լիակատար կազմակերպութեան երկդասեան եկեղեցական ուսումնարանաց երկուց սեռից, թէ ի փոխանորդութիւնս և թէ ի բազմահայ քաղաքս և յաւանս վիճակաց ձերոց է արգասիք անկոպար տնտեսութեան արդեանց եկեղեցականաց. ուստի և ցաւ ի սիրտ տեսանեմք զբազմութիւն երամս մանկանց երկուց սեռից անխնամս յուսման և դատարկաշրջիկս: Առաջնորդացդ է գործ գիւրութիւնս ընծայել ժողովրդականաց առ ի լնուլ զպէտս նորահաս սերնդոց, վասն որոյ յետ կազմակերպելոյ գէթ զմի մի երկդասեան ուսումնարանս վասն երկուց սեռից, պատուիրեմք, ի տեղիս՝ ուր բազմութիւն են եկեղեցիք հայոց ի միում վայրի, յայնպիսիսն յանուն մէն մի եկեղեցւոյն բանալ ուսումնարանս միդասեանս կամ որիշ որիշ բաժանմամբ և կամ միացելովք: Որ ինչ առ ուսումնարանս գիւղօրէից, ուր յիւր հնար պահպանելոյ զայնոսիկ լիակատար թուով բաժանմանցն, յանձն առնեմք Գերապատուութեանդ տնօրինել, զի կազմակերպութիւն ուսումնարանացն եղիցի միացեալ բաժանմամբ:

Հոսկ ուրեմն՝ պատուէր հրամանի աւանդեմք Գերապատուութեանդ՝ ամենայն արթնութեամբ հսկել ի վերայ ամենայն գործողութեանց հոգաբարձութեանց և մանկավարժական ժողովոց, ընտրելով ընդ ձերով անմիջական պատասխանատուութեամբ ի նախագահութիւն հոգաբարձութեանց և յաւագ ուսուցչութիւն զանձինս՝ հասունացեալս մտօք և բարուք, հաւատարիմս կոչման իւրեանց, զարդարեալս քրիստոնէական ջերմեռանդութեան վարուք. առաւելապէս փոյթ կալջիւր յընտրութեան անդ աւագ ուսուցչաց և աւագ ուսուցչուհեաց հայիլ ի մանկավարժական հմտութիւնս ընտրելեաց և ի հեզահամբոյր բարս բնութեան նոցին:

Տնօրինեալիք յանձն առնել նոցա ժամանակացն ոչ առաւել
քան զ24 և ոչ նուազ քան զ18՝ յտուրիցուցանելով զպոկա-
սորդն կողարաւոր՝ դասուց անարկայի նորին՝ այլուամբուսներ
յուսուցչաց՝ անշանակիլոց ի կողարին, և միմիայն ի կարի
բացաւական դէպս ներեալիք կարգել զալ ոք արտաքոյ՝ քա-
նակութեան անձանց կողարին և այն՝ ոչ առաւել քան զմի
անձն:

Եւ ի ինչ հնարիցն, ընտրեալիք յաւագ զստույցութիւն
զարժանաւորագոյնսն ի քահանայիցն՝ մտելոց յընդհանուր հո-
ցակ, յատկացուցանելով նոցա զդասս և եթ կրօնի:

Մ Ա Կ Ա Ր

ԿԱԹՈՒՂԻԿՈՍ ԱՄԵՆԱՅՆ ՀԱՅՈՏ

Տուեալ ի վեցերորդ ամի Հայրապետութեան մերոյ

ի 10-ն յուլիսի 1890 ամի Փրկչական

և յազգային թուականութեան ՌՅԼԹ:

Թիւ 233.

Ի Սուրբ Էջմիածին